




ხაშურის მთაშვე



№16 (97)

24 აპრილი, ორშაბათი, 2017 წელი

განხორციელდება 2500-მდე ინფრასტრუქტურული პროექტი, შეიქმნება 40 ათასი სამუშაო ადგილი, დაიხარჯება 9 მილიარდ ლარზე მეტი...

საქართველოს რეგიონული განვითარებისა და ინფრასტრუქტურის სამინისტრომ, მთავრობის 4-პუნქტიანი გეგმის ყველაზე მსხვილი კომპონენტის, სივრცითი მოწყობის 2017-2020 წლების სამოქმედო გეგმა წარადგინა.

გეგმა გულისხმობს მასშტაბური და შიდასახელმწიფოებრივი მნიშვნელობის პროექტების განხორციელებას, ქვეყნაში არსებული შესაძლებლობების მაქსიმალ-



ურად გამოყენებას და სრული დატვირთვით მუშაობას ქვეყნის სწრაფი განვითარებისთვის.

2017-2020 წლების სამოქმედო გეგმა, საკანონმდებლო და აღმასრულებელი ხელისუფლების წარმომადგენლებს, დიპლომატიურ კორპუსს, საერთაშორისო დონორ ორგანიზაციებს და მედია საშუალებებს რეგიონული განვითარებისა და ინფრასტრუქტურის მინისტრმა, ზურაბ ალავეიძემ გააცნო.

„განხორციელდება უმნიშვნელოვანესი პროექტები გზების, წყალმომარაგების, ტურისტული ინფრასტრუქტურის, ეკოლოგიური, გარემოს დაცვის და სხვა მიმართულებით. განსაზღვრულია ის მიდგომები, რომლითაც ქვეყნის ყველა მოქალაქე, საქართველოს ნებისმიერ კუთხეში შეძლებს მიიღოს განათლება, დასაქმდეს და თავად დაასაქმოს. სრული დატვირთვით ამუშავებული და განვითარებული ინფრასტრუქტურა მისცემს მოსახლეობას არსებული შესაძლებლობების რეალიზების საშუალებას“-განაცხადა ინფრასტრუქტურის მინისტრმა.

2017-2020 წლებში, მთელი საქართველოს მასშტაბით დაახლოებით 2 500-მდე ინფრასტრუქტურული პროექტი განხორციელდება. დაგეგმილია 1000 კილომეტრი გზის მშენებლობა-რეაბილიტაცია, დამატებით ნახევარ მილიონამდე ადამიანი ისარგებლებს 24-საათიანი წყალმომარაგებით, აშენდება შვიდი ახალი, ევროსტანდარტების შესაბამისი რეგიონული ნაგავსაყრელი, რეაბილიტაცია ჩაუტარდება 120- ზე მეტ საზოგადოებრივ-კულტურული დანიშნულების ობიექტს. 2 500-მდე პროექტის განხორციელება პირდაპირ შექმნის 40 000 სამუშაო ადგილს.

აღნიშნული პროექტები საქართველოს მთავრობის და საერთაშორისო დონორი ორგანიზაციების ფინანსური მხარდაჭერით ხორციელდება და მათი ჯამური ღირებულება 9 მილიარდ ლარზე მეტია.



სოფელ ქემფერთან ხიდის სარეაბილიტაციო სამუშაოები დასრულდა

შიდა ქართლის მხარეში სახელმწიფო რწმუნებულმა -გუბერნატორმა კახა სამხარაძემ და ხაშურის მუნიციპალიტეტის გამგებელმა გიორგი გურასპაშვილმა, სამხარეო ადმინისტრაციის და ხაშურის მუნიციპალიტეტის წარმომადგენლებთან ერთად, სოფელ ქემფერთან სტიქიის შედეგად დაზიანებული ხიდის სარეაბილიტაციო სამუშაოების დასრულების პროცესი დაათვალიერეს. სულ რამდენიმე დღეში, მცირედი ტექნიკური სამუშაოების შესრულების შემდეგ, ხიდის საბოლოო სახეს მიიღებს. ადგილობრივებმა მადლობა გადაუხადეს ხელმძღვანელობას მოსახლეობაზე ზრუნვისთვის და აღნიშნეს, რომ ეს პროექტი მათთვის მნიშვნელოვანი იყო იმ თვალსაზრისით, რომ არსებული ხიდის მეშვეობით ცოცხნარის ადმინისტრაციულ ერთეულში შექმავალი სამი სოფლის- ქემფერის, ცვდანის და წაბლოვანის დაკავშირება ხდება.

ხიდის მშენებლობის შესყიდვა, გადაუდებელი აუცილებლობის ფარგლებში, ადგილობრივი ბიუჯეტიდან 34 982 ლარით დაფინანსდა.

გაზაფხულის დადგომასთან ერთად ჩვენს მუნიციპალიტეტში ფართო მასშტაბით ამოქმედდა ინფრასტრუქტურული სამუშაოები, რომელიც 2017 წლის ბიუჯეტითაა გათვალისწინებული. როგორც ჩვენთან საუბარში მუნიციპალიტეტის გამგეობის ინფრასტრუქ-

ტურის განვითარების და კეთილმოწყობის განყოფილების უფროსმა გიორგი პაპიაშვილმა განაცხადა, მიმდინარე წელი მართლაც გამორჩეული იქნება ინფრასტრუქტურული პროექტების განხორციელებით. უახლოეს პერიოდში იწყება სოფელ ალში, ცენტრალური მაგისტრალიდან ბრილის გადასახვევამდე 2 კილომეტრიანი გზის მოასფალტება, რომელიც ცენტრალური ბიუჯეტიდან და ადგილობრივი თანადაფინანსებით განხორციელდება,- აღნიშნა ბატონმა გიორგიმ - სულ ამ სამუშაოებს 417 ათასი ლარი მოხმარდება. პარალელურად, ქვემო ოსიაურში დაიწყება კილომეტრამდე სიგრძის გზის მონაკვეთის მოასფალტებაც, რისთვისაც 276 ათასი ლარია გათვალისწინებული. უკვე დაწყებულია და სულ მალე დამთავრდება გზის მოასფალტება შუშის ქარხნის დასახლებიდან, სურამში, გვერდისუბნის დასახლებამდე. რადგან სურამი ვახსენეთ, გეტყვი, რომ 50 ათასი ლარია გამოყოფილი, რომ სურამში, სტადიონზე, მოწესრიგდეს გასახდლები და საშხაპეები. ასევე უახლოეს

- ინფრასტრუქტურული პროექტები - ფინანსდება, იკმნება, ლამაზდება

პერიოდში გაკეთდება სპორტულ-გამაჯანსაღებელი მინიმოდანი გვერდისუბანში, ყოფილი კოლმეურნეობის ადმინისტრაციული შენობის ეზოში (60 ათასი ლარი), 54 ათასი ლარია გათვალისწინებული ქინძათში მინიმოდანის მოსაწყობად. 37 ათასი ლარი მოხმარდება შუშის ქარხნის დასახლებაში არსებული სტადიონის რეაბილიტაციას და 30 ათასი იტრიის დასახლებაში მინისტადიონის რეაბილიტაციას. სოფელ წადვლში 300 ათას ლარამდე გამოყოფილი ბეტონის გზისა და სანიაღვრე არხის მოწყობისათვის. სასიხარულო ცნობაა, რომ ტენდერით უკვე გამოვლინდა ხაშურის „ივერიის“ სტადიონის დამპროექტებელი ჯგუფი და 80 დღეში უკვე მზა პროექტი გვექნება ხელთ. ასევე დამთავრდა რკინიგზის სასახლის საპროექტო ტენდერი. ამჟამად მიმდინარეობს დოკუმენტაციის შერჩევა-შეფასება და რეაბილიტაციის სამუშაოები დაიწყება,- აღნიშნა ბატონმა გიორგიმ საუბრის ბოლოს.

მკითხველს გვინდა კიდევ ერთხელ შევახსენოთ, რომ ყოველივე ზემოაღნიშნული მსოლოდ უახლოესი თვეების „განრიგია“. წლის მთლიანი მასშტაბი კი გაცილებით დიდია და საბოლოო ჯამში ასიათასობით ლარი დაიხარჯება ინფრასტრუქტურულ პროექტებში.

გ. მადრაძე

მემკვიდრისა და მემკვიდრეობითობის საკითხი „ვეფხისტყაოსანში“

შოთა რუსთაველის „ვეფხისტყაოსანი“, მსოფლიო პოეტური ხელოვნების ერთ-ერთი შედევრი, აღმოსავლური ყაიდის პოემაა, რომელშიც საღვებში და სატრფიალო მოტივები უმთავრესია, მაგრამ პოემის დიდი ღირსება ისიც არის, რომ არაერთ სხვა მნიშვნელოვან საკითხს ეხება და ამ მხრივაც ახალ სიტყვას ამბობს და თანაც არამარტო ქართულ სინამდვილეში.

სწორედ ერთი ასეთი საკითხიაგანია მემკვიდრისა და მემკვიდრეობის ურთულესი პრობლემა.

სახოგადოდ უნდა ითქვას, რომ სამეფო ხელისუფლების მემკვიდრეობაში არსებობდა ორგვარი მიდგომა: მათორატული და მონორატული. პირველი ნიშნავს უფროსი შვილის უპირატესობას მემკვიდრეობის მიღებისას, ხოლო მეორე-უმცროსის უპირატესობას. ზოგ ქვეყანაში ერთი წესი იყო მიღებული, ზოგან - მეორე. ჩვენს სახელმწიფოში უზრუნველყოფილი იყო მათორატული მიდგომა. ესე იგი სამეფო მემკვიდრეობაში უპირატესობა ეკუთვნოდა (ყველა სხვა თანაბარ პირობებში) უფროს ძმას, მემკვიდრეობა ჩვეულებრივ მამიდან შვილზე გადადიოდა უფროსი ძმის უპირატესობის დაცვით, ამ წესის დარღვევა დიდ დანაშაულად და დღისა და კაცის წინაშე საშინელ მკრეხელობად მიიჩნეოდა.

ყველაფრიდან ჩანს, რომ რუსთაველი იხიარებდა ამ მიდგომას. პოემაში ეს აზრი პირდაპირ ფორმულასავე არის ჩამოყალიბებული. მიგაქცით ყურადღება ამის დასაწიხის ერთ ეპიზოდს: როსტყვეანმა თინათინი ტახტზე დასვა. მოკრძალებულ ქალიშვილს ამ პატივის ღირსად თავისი თავი არ მიაჩნია. მამა კი არიგებს და შეასვენებს არსებული საყოველთაო წესს, კანონს, რომ, ჩვეულებრივ, მამის საქმე მისმა შვილმა უნდა განაგრძოსო. აი, რას ეუბნება სკიპტროსანი ქალიშვილს: „მამა ყოველი ძისაგან ითავსებოდა“. მაშასადამე, მამის საქმე უსათუოდ მის ძეს, მის შვილს უნდა გაეგრძელებინა. „ქე“ ყველგან ნიშნავს უბრალო რაიმეს - შვილს. მაშასადამე, როსტყვეანი რომ ვაზირთ ეუბნება ჩემი ძე დავსვათ ხელმწიფედ, ვისგან მზე საწუნელია“ იმას კი არ ნიშნავს, ჩემი მემკვიდრე დავსვათ პატრონადო, არამედ იმას, რომ მევედ ჩემი შვილი (იგივე ძე) დავსვათ.

შემთხვევითი როლია, რომ ძე დღესაც ისე გვეხმის, როგორც გვეხმოდა რუსთაველის დროს - შვილი.

თინათინმა ტირილი სწორდ ამ ასნაგანმარტების შემდეგ შეწყვიტა. მან იცის, რომ საზოგადო წესის წინააღმდეგ ვერ წავა - მამის საქმე შვილმა უნდა განაგრძოს, განავითაროს, შეითავსოს, მიიღოს და გაითავსოს.

გვგი არაა, ანალოგიური წესი მოქმედებს მეორე სახელმწიფოშიც. ესაა ინდოეთი. ფარსადან მეფეთმეფეს სამეფოდ საკუთარი ძე ანუ ნესტანი, დაუსახავს. ერთ ეპიზოდში თავის მეუღლეს, დედოფალს ეუბნება: რაკილა მე და შენ სამეფოდ ჩვენი ქალიშვილი გვირდა, დღეს როცა დიდი ზეიმი გვაქვს (ხატაყვის დამორჩილება ინდოეთის მიერ არის დიდი საზიარო ამბავი), თანაც ჩვენმა ქალიშვილმა სამეფოდ წვრთნის მიუღი კურსი წარმატებით გაიარა (მას ზრდიდა სიბრძნით სავსე დეარო) აი, სწორედ ახლა პირველად ვაჩვენებ საზოგადოებას ნესტან-დარეჯანო. აი, ეს სტრიქონები:

„რადგან ქალია სამეფოდ ჩვენგანვე სახელმწიფო, ვინცდაა ნახავს, აწ ნახოს, აპ ხედეშს ხეუღლი, გვერდსა დასვი, ორნივე სრას დამხედით, მოვალ შეგებული!“

ამრიგად, ფარსადანიც როსტყვეანის დარად, თავის ქალიშვილს მიიჩნევს მემკვიდრედ და მამის საქმის გამგრძელებლად.

ორივე სახელმწიფოში ვითარება ერთნაირია იმ მხრივ, რომ მამა-მეფეებს, ასევე მიუღი საზოგადოებას ძე ანუ შვილი, მამის საქმეებისა და ქონების მემკვიდრედ მიაჩნიათ და აქ არა აქვს მნიშვნელობა, შვილი რომელი სქესისაა, ვაჟია თუ ქალი. არაბეთსა და ინდოეთში ისე მოხდა, რომ ორივე ხელმწიფეს შეეძინათ ვაჟი და არა ბიჭი.

საერთოდ, რუსთაველი რეალისტია, არ ტყუის და არ გვატყუებს. მან იცის ის, რაც ჩვეულებრივი ამბავია: ყველა მეფეს (და არა მარტო ხელმწიფეს, უბრალო გლეხკაცსაც კი) ურჩევნია, თუ მემკვიდრედ ყოვლად არა ვაგო, არამედ ბიჭი.

ამიტომაც მოხდა, რომ თინათინის გამეფებასთან დაკავშირებულ ნადიმზე როსტყვეანს სველა მოერია. როცა ჩაეხიენ, თუ რა იყო მიზეზი, აღიარა: რაც უნდა იყოს, თინათინი მაინც ქალია და სახელმწიფო დაშქარს წინ ვერ წაუძღვება. აი, ეს მიხმისო. იგი აღიარებს:

დემრთმან არ მომცა ყმა-შვილი, ვარ საწუთროსა თმობითა“. სხვა მხრივ კი, რაღა თქმა უნდა, ქალი ისევე გასწავს მეფობას, როგორც კაცი. ამ თვალსაზრისით მეფეთა შვილებში თანასწორობაა. აფორიზმიც ამას ჩაგვაგონებს: „ღვეკი ლომისა სწორია, ძე იყოს, თუნდა ხვადია“. მაშასადამე, ეს აფორიზმი საზოგადოდ კაცისა და ქალის თანასწორობას კი არ ქადაგებს, არამედ მეფეთა შვილების თანასწორობას. ლომი ნადირთა მეფეა, ლომის ლეკვებია თანასწორი და არა მგლის ან დათვისო.

ეს რომ ასეა, სწორედ ამხე მეტყველებს როსტყვეანის დადრდიანება თინათინის მეფედ დასმის დღეს. ესე იგი, ხელმწიფეს მაინც მიაჩნია, რომ ვაჟი მემკვიდრე და ქალი მემკვიდრე არ არიან თანასწორნი. ოღონდ ეს არ ეხება საზოგადოდ ადამიანის კულტურულ გაგებას. ამ ასპექტით ძე და ხვადი თანაბარდებულა.

საგულისხმოა შემდეგი რამ: როცა ამ თუ იმ მეფეს უფროსი შვილი ქალიშვილი ჰყავდა, ხოლო უმცროსი-ვაჟი, იქ არასოდეს მდგარა პრობლემა-რომელს უნდა რეგებოდა ტახტი. აქ ვაჟი უაღვრესად იყო. აქედანაც მტკიცდება, რომ სრული მემკვიდრეობითი თანასწორობა არ იყო და არც შეიძლება იყოფილიყო - ვაჟი მემკვიდრედ სჯობდა ქალ მემკვიდრეს. ეს მეტობინობა კარგად გამოჩნდა როსტყვეანის სადარდელში.

ასე რომ, ამ მხრივ რუსთაველი რეალისტზე რეალისტია. ის ჩვენ თვალწინ არ თვალთმაქცობს და ამას მკითხველიც აფასებს.

არაბეთში ქალი მემკვიდრის გამეფებას რაიმე პრობლემა და გართულება არ მოჰყოლია, თუ არ მივიღებთ მხედველობაში იმას, რომ როსტყვეანს მაინც გული ეთანადრება.

სულ სხვა ვითარება იყო ინდოეთის სამეფო კარზე. აქ ისე აქვს საქმე, რომ პრეტენდენტი ორია: ასაკით უფროსი, თანაც ვაჟი ტარიელი და ასაკით უმცროსი, ქალი ნესტანი. ორივეს თავთავისი უპირატესობა აქვს. ნესტანს ის, რომ იგი პირდაპირი და უთუქცაო მემკვიდრეა ფარსადანი მისი ნამდვილი მამა და არა მამობილი. ნესტანი ისევე კანონიერი მემკვიდრეა, როგორც თინათინი არაბეთში.

ამ მხრივ მას აქვს უპირატესობა, მაგრამ ტარიელსაც აქვს თავისი უპირატესობა: იგი ვაჟია. აქ გამორიცხულია „როსტყვეანის დარდები“. ის შესანიშნავი კანდიდატია. აქვე გავისწავლოთ, რომ ისიც სამეფო ჯიშ-ჯილაგისაა. მამამისი სარიდანი ინდოეთის მეშვიდე სამეფოს განმგებელი იყო და მის შვილსაც სრული უფლება აქვს ტახტზე მისი ნაკლი მხოლოდ ის არის, რომ უხედავს მეფეთმეფის შვილი არაა, ოღონდ ამას ის აკომპენსირებს, რომ ფარსადანის იგი ნამდვილი ჰყავდა და ადრე სამეფოდაც კი ზრდიდა. ამრიგად, ტარიელის უპირატესობა სანინია: 1. ის მეფის შვილია და ინდოეთის ტახტზე მის პრეტენზიას წინ ვერაფერ აქვს; 2. პატარაობიდანვე იშვილა იგი მეფეთმეფე ფარსადანმა, რომელმაც, ფაქტობრივად, წაართვა შვილი სარიდანს, რადგან მამის საკუთარი არა ჰყავდა, და სამეფოდ გახარდა. 3. ამავედროულად ტარიელი ვაჟია, ქმარული და ყველამ იცის, ტახტზე ვაჟკაცის ჯდომა უმჯობესია; 4. კიდევ ერთი უპირატესობა ისაა, რომ ინდოეთში მომდარი დიდი აურზაურის კვირბაღზე სარიდანის ძემ ხატაყთში ბრწყინვალედ

ისარდლა და მიუღი ქვეყნიერებას დაუმტკიცა ვაჟკაცობაც, კონიერებაც, სულგრძელობაც, პატრიოტიზმიც. ერთი სიტყვით, უჩვენარ, რომ ნამდვილი სამეფო კაცია და ეს მიუღი ქვეყანამ დაინახა; 5. ტარიელს აქვს კიდევ ერთი უპირატესობა, რომელიც მის წინას ურთიდად ზრდის, ოღონდ ეს უპირატესობა მას მიანიჭა მამამისის უანგარო პატრიოტიზმამ. კერძოდ, სარიდან მეფემ, მამამისმა, თავის დროზე გვირგვინი მოიხადა და თავისი სამეფო ფარსადანის ექვს სამეფოს შეეერთა, საშვილიშვილო გმირობა ჩაიღინა და მამულის გაერთიანება დაასრულა.

ასე რომ, ტარიელის სახლობას ინდოეთის ცენტრალიზაციაში უდიდესი წვლილი მიუძღვის. მაშ, ტარიელის „მითითე“ სამეფო კარზე წარმოუდგენლად მდიდრული და ფასდაუდებელია.

მაშასადამე, ინდოეთის ტახტზე ფარსადანის შემდეგ ორ პირს აქვს პრეტენზია: ნესტანსა და ტარიელს. მართალია, დღისა და კაცის წინაშე ტახტი ტარიელს უფრო ეკუთვნის და საქმისათვისაც ასე სჯობს, ოღონდ ადამიანის ყოისტური გრძობიდან გამომდინარე, ნესტანის შანსს ზრდის ის, რომ ამჟამინდელი ბატონ-პატრონი ტახტისა ფარსადანია და მას შეუძლია „საკუთარ შვილს მხარი დაუჭიროს.

ამის გამო შანსები თანაბრდება. ვითარებას კარგად გრძობს მეტად გონიერი და ბრძენი ნესტანი. ის პირველი წამოჭრის ამ საკითხს და პრობლემის გადაჭრის გზასაც პოულობს. და ეს გზა სამართლიანობაა, სასიამოვნოც და ყოველმხრივ პრაგმატულიც. ის ტარიელს ეუბნება: „ქე და შენ დავსხდეთ ხელმწიფედ, სჯობს ყოფილა სიძე-სძეობასა!“

- გენიალური გამოსავალია! ორივე თანაბარი კანდიდატია“ მათ ერთმანეთი უყვართ: მათი შეუღლებით პრობლემაც წყდება და თან იქნება ოჯახი, რომელსაც საფუძვლად თავისუფალი და უანგარო სიყვარული უქვს.

მაგრამ ადამიანის გული „გაუქლომელი“ და დაუკმაყოფილებელია. ამ გაუმაძღრობას კიდევაც აღნიშნავს და კიდევაც გმობს რუსთაველი, როცა ამბობს:

„გული კრულია კაცისა, ხარბი და გაუქლომელი, გული - ჟამამად ყოველთა ჭირთა მიმო, ლხინთა მდომელი, გული - ბრმა, ურნი ხედვისა, თვით ვერას ვერ გამზომელი, ვერცა პატრონობს სიკვდილი, ვერცა პატრონი რომელი: აი, სწორედ ასეთი „გაუქლომელი“, ხარბი და კრული გული აღმოაჩნდა ფარსადან მეფეს.

მან შესანიშნავად იცოდა, რა სიყვარულის ცეცხლი ენთო ახალგაზრდების გულში, ოღონდ თავისი შორსმიმავალი გეგმა ვერ დათმო: მას ეწადა თავისი ისევე დიდი სახელმწიფო-იმპერია კიდევ მეტად განვრცო რომელიმე სხვა სახელმწიფოს ხარჯზე. ამ მიზნით განიზრახა, დამოყვრებოდა ხორეზმის სახელმწიფოს პატრონს - ხორეზმშაჰს (ხორეზმის შაჰს).

ძველად ეს ჩვეულებრივი რამ იყო. დინასტიური ქორწინება სწორედ პრაგმატიზმს ეფუძნებოდა. ვინ დაევიწყა პირად გრძობას! მეფის ქალიშვილი უნდა გათხოვილიყო პოლიტიკური მიზნის შესაბამისად; ვაჟს უნდა მოეყვანა ის ქალი, რომელიც იმავედ ქვეყნისთვის უფრო მომგებიანი და სასარგებლო იყო.

ამ თვალსაზრისით ერთნაირი ვითარებაა ინდოეთშიც და ხორეზმშიც. დავაკვირდეთ ერთ გარემოებას: ფარსადანი არც კი ეკითხება აზრს თავის ასულს, უნდა თუ არა ხორეზმის მეფის ვაჟი ქრად. ფარსადანი ამ საკითხს თვითონ ჭრის მეუღლესთან ერთად. ვაჟს ნესტანი საგანგებო სამეფო თათბირის მეფე იტებს; ხორეზმის შაჰიც არაფერს ეკითხება თავის ვაჟს, ის აძლევს მოყვრობის პირობას ფარსადანს. მაშასადამე, ხორეზმელი ხელმწიფე არც რძალს ნახულობს, ისეა მზად, თავის ვაჟს უბრძანოს და შერთოს უნახავი ასული.

ამის გამო შეყვარებულ წყვილს სხვა გზა არ დარჩენია გარდა უნახავი და უსახელო სახიდოს, ხორეზმის უფლისწულის მოკვლა და გზიდან მისი ისე ჩამოშორება. ასე გადაარჩინეს მათ არა მარტო სიყვარული, არამედ უფრო მნიშვნელოვანი რამეც - ინდოეთის დამოუკიდებლობა.

ახალგაზრდები მართებულად ფიქრობენ; ფარსადანი ტყვედება. ხორეზმელის ტახტზე მოწყვეა ინდოეთს კი არ დაუმორჩილებს ხორეზმს, არამედ პირიქით: ხორეზმელები ჩაიგდებენ ინდოეთის მართვის სადავეებს ხელში და, ფაქტობრივად, უომრად დაიპყრობენ ქვეყანას. გარდა ამისა, ნესტანი და ტარიელი კარგად ნიშნავს, მემკვიდრეობასაც და სიყვარულსაც. ეს კი უკვე უბრალო სამეფო მემკვიდრეობა კი აღარაა, არამედ უფრო მდიდარი მემკვიდრეობა, რომელიც შეიცავს პატრიოტიზმსაც, ღირსებასაც და სიყვარულსაც.

ამ ფასდაუღებელი მემკვიდრეობის გადასარჩენად ისინი წავიდნენ კაცის მოკვლის საშინელებაზეც კი. მათ კისრად იღეს ადამიანის სისხლი, თუმცა თავს ცნობილ აფორიზმით იმშვიდებენ: „ქნა მართლისა სამართლისა ხესა შეიქმს სმელსა ნედლად“.

რუსთაველი ბედნიერების დამკვიდრების მოწადინეა. ის ოპტიმისტია და პოემას გმირების გამარჯვების (და არა დამარცხების) ჩვენებით ამთავრებს.

რა არის უცენტრალურესი გმირების - ტარიელი და ნესტანი - მთავარი საქმე? ეს, გვგი ნურავის შეგპარება, არის მემკვიდრეობის დაცვა და შენარჩუნება. მათი მემკვიდრეობა კი იყო ინდოეთის ტახტი. მათ იბრძოდნენ ამ მემკვიდრეობის ხელყოფის წინააღმდეგ, გამარჯვებს და შეინარჩუნეს ის, რაც ერგებოდათ. ამას კი მიესალმება ავტორი, რომელიც სიხარულით აღნიშნავს:

„ტარიელს და ცოლსა მისსა მიხვდა მათი საწადელი შვილი ტახტი სახელმწიფო, საშეგებელი გაუცდელი“.

სახელმწიფოებრივი ანუ კონსტიტუციური აზროვნებისთვის სამართლებრივი და სახელმწიფოებრივი აღმშენებლობისთვის მხოლოდ დავითისა და თამარის დროს თუ მოიცავს, მანამდელი და მათი შემდგომი პერიოდები არსებითად ქართული სახელმწიფოებრიობის, ქართველი ერის სახელმწიფოებრივი და ეროვნული გადარჩენის საქმეს ხმარდებოდა.

დავითისა და თამარის ეპოქაში სახელმწიფოებრივი, კონსტიტუციური აზროვნება კარგად ართმევედა თავს ძლიერი სახელმწიფოს ფუნქციონირებას. მართალია, იმ პერიოდში არ არსებობდა კონსტიტუცია, როგორც ერთიანი კოდიფიცირებული, სისტემაზირებული, კრებულის სახით, როგორც დღეს გვაქვს, მაგრამ არსებობდა წერილობითი ძეგლები, რომლებიც შეიცავდნენ იმ ნორმებს, რაც კონსტიტუციაში უნდა ყოფილიყო ასახული და გათვალისწინებული.

მემკვიდრეობისა და მემკვიდრეობითობის ძირითადი უფლება განიხილება, როგორც საკუთრების ძირითადი უფლების ერთ-ერთი კომპონენტი, რომელსაც იცავს სახელმწიფოს ძირითადი კანონი კონსტიტუცია: კერძოდ, კონსტიტუციის XXI მუხლის პირველ პუნქტში წერია: „საკუთრება და მემკვიდრეობის უფლება აღიარებული და ხელშეუვალია, დაუშვებელია საკუთრების, მისი შექმნის, გასხვისების ან მემკვიდრეობით მიღების საყოველთაო უფლების გაუქმება“.

თამამდ შეიძლება ითქვას, რომ აღნიშნულ კონსტიტუციურ ნორმას ვერ კიდევ 850 წლის წინათ იცავდა და განამტკიცებდა დიდი შოთა რუსთაველი თავის უკვდავ პოემაში „ვეფხისტყაოსანში“ მემკვიდრისა და მემკვიდრეობითობის საკითხის გადაჭრით.

ამრიგად, რუსთაველი გვიხატავს ნამდვილ, ჭეშმარიტ მემკვიდრეობის სამეფო ტახტისა. ესენი არიან თინათინი, ნესტანი, ტარიელი - ისინი ცდილობენ, კუთვნილი მემკვიდრეობა შეუძლავლავდ შეინახონ, ხოლო ხელყოფის შემთხვევაში გმირულად იბრძოდნენ მისი შენარჩუნებისათვის და ამ მხრივ არ შეზღავდნენ სამართლიანობა.

ყოველივე ეს მიუთითებს შოთა რუსთაველის მღვდელ სახელმწიფოებრივ კონსტიტუციურ აზროვნებასა და კულტურაზე.

ამირან კურტიანი
საშურის მუნიციპალიტეტის საკრებულოს აპარატის უფროსი, პირველი კლასის სახელმწიფო მრჩეველი, სამართლის პროფესორი

აი, ხა შეუძლია ენთუზიაზმს და მშობლიური ქადაქის სიყვარულს

წუხილი მხოლოდ იმაზე, რომ რაღაცის საკეთებლად მხოლოდ ფულია საჭირო, არ იქნება გამართლებული. ვეც იმას დავეთანხმები, რომ ფულის გარეშე შეიძლება დიდი საქმის მხოლოდ



მონღომებითა და ენთუზიაზმით კეთება, მაშინ, როდესაც ყველაფერს თავისი ფასი ადევს. იდეალური ვარიანტი ორივეს ერთად ქონას გულისხმობს. პათეტიკამ შორს რომ არ წაგვიყვანოს და სათქმელს არ დავეშორდეთ, ა(ა)იპ “სავანეს” ერთ ძალიან კარგ წამოწყებაზე ვიამბობთ, სადაც თანამშრომელთა ერთიანობას და ენთუზიაზმს ქადაქის და კერძოდ, გორგასლის ქუჩის დასახლებისთვის სასიამოვნო გარემოს შექმნა შეუძლია. მეორე წელია “სავანეს” მფლობელობაში არსებული ტერიტორია, რომელიც წლების განმავლობაში ქადაქის ცენტრალურ ნაგავსაყრელს წარმოადგენდა, სუფთავდება, ირგვება ხეები, იწმინდება და კულტურულ სახეს იღებს. დიდი მონღომებით და საკუთარი ძალებით შრომობენ ერთ ოჯახად გაერთიანებული თანამშრომლები. აქ არ აქვს მნიშვნელობა ჩემ და სხვის საქმეს-საქმეც საერთოა და შედეგსაც ერთად მიიღებენ-ადგილობრივ მოსახლეობას ექნება სკვერი, სადაც დასვენებას და დღის სასიამოვნოდ გატარებას შეიძლება.

გიორგი ზღუდაძე (“სავანეს” თანამშრომელი):
-ეს ადგილი წლების მანძილზე ნაგავსაყრელად იყო ქცეული. გადაწყვეტილი, დაგვესუფთავებინა და ისეთი ადგილი გაგვეკეთებინა, სადაც აქ მცხოვრები მოსახლეობა დასვენებას შეიძლება. დაახლოებით 100 მანქანა საყოფაცხოვრებო ნარჩენები გავიტანეთ საკუთარი ძალებით. დიდი დახმარება გავგიწვია მაშინდელმა დეპუტატმა, ვალერი გელაშვილმა. გადავასწორეთ, დავრგეთ ხეები, რომლებმაც უკვე გაიხარა. ნაწილობრივ შემოვღობეთ ეს ტერიტორია, რომ უფრო დაცული ყოფილიყო.

- რა ფართობია „სავანეს“ მფლობელობაში?
- მთლიანობაში ეს ფართობი 3 ჰა-მდეა, რომელიც ა(ა)იპ-ი “სავანეს” საკუთრებას წარმოადგენს. დაახლოებით 20 მეასედზე ტბა კეთდება, 1 ჰა-ზე - სკვერი, 15 მეასედზე ვენახი, გარდა ამისა, გვაქვს სანერგე მეურნეობა, სადაც 7-8 სახეობის ყვავილის ჯიშები გამოგვყავს, რითაც ღამაზდება ჩვენი ქადაქი, დიდი ფართობი უკავია ძაღლთა პოპულაციის ცენტრს. ჩვენი სურვილია,

ნაგავსაყრელად ქცეული ადგილი გვექცია რეკრეაციისა და დასვენების ადგილად. დაახლოებით 100 ნერგი დავრგეთ, სხვადასხვა სახეობის ხეების, რომლებიც ჩვენივე სანერგე მეურნეობაში გამოვიყვანეთ. ძირითადად დეკორატიული ხეებია: სანის ხე, თელა, ცაცხვი, ნეკერჩხალი. სამომავლოდ ბევრი რაღაცის გაკეთება შეიძლება, რაც დამატებით თანხებს მოითხოვს, რისი შესაძლებლობაც ამ ეტაპზე არ გვაქვს. რაც ჩვენს შესაძლებლობაშია, თავს არ გზოვავთ.

ენგური ნინიაშვილი (“სავანეს” გამწვანების მთავარი სპეციალისტი)

- მცირე ბიუჯეტი არ გვაძლევს იმის შესაძლებლობას, რომ წელსვე დავასრულოთ პარკის კეთილმოწყობა. მოსახლეობა ძალიან კმაყოფილია, უხარიათ, როცა დასუფთავებულ გარემოს ხედავენ. მოდიან, გვაქებენ. ისიც დიდი დახმარება იქნება, თუ გაუფრთხილდებიან იმას, რასაც მათივე სიამოვნებისთვის ვაკეთებთ.

- როგორც ვხედავ, ქადაქს ახალი საყვავილები შეემატება...

- ეს საყვავილებებია ქადაქში გაზონების გასაღამაზებლად. თვითონ გავაკეთეთ ყალიბები და ჩამოვასხით საყვავილებები, ღამაზიცა და ვფიქრობთ, უფრო დაცული იქნება ყვავილი, თუ სპეციალურად არ გააფუჭა ვინმემ. შეიძლება და ქადაქში სხვადასხვა ადგილას დაიდგმება, რაც ერთიორად გააღამაზებს ჩვენი ქადაქის იერსახეს - დაფინანსების წყარო რა შეიძლება იყოს?

- ჩვენი აზრით, დაინტერესება შეიძლება უფრო კერძო სექტორიდან იყოს. სამშენებლო მასალები გვჭირდება, ეზოს შემოღობვა, გზის მოპირკეთება, დეკორატიული მცენარეები. მთელი სამსახური ვართ ჩართული, ძალისხმევას არ ვიშურებთ, ჩვენი სამსახურეობრივი ფუნქციების მიუხედავად, ყველა ერთ საქმეს ვაკეთებთ, ერთი, საერთო მიზნისთვის. **თ. ჭავჭავაძე**



ბაღდათის სააღდგომო საჩუქრები

ხაშურის მუნიციპალიტეტის ა(ა)იპ “ხაშურსერვისის” თანამშრომლებმა, რომლებიც ყოველდღიურად ქადაქის იერსახის მოწესრიგებაზე ზრუნავენ, სააღდგომო საჩუქრები მიიღეს.

საკვებ პროდუქტებთან ერთად, “ხაშურსერვისის” თანამშრომლებს ახალი სპეცფორმებიც გადაეცათ.

- გვინდა დიდი მადლობა გადავუხადოთ ა(ა)იპ “ხაშურსერვისის” ხელმძღვანელს, ნუკრი ცხოვრებაძეს, მუნიციპალიტეტის გამგებელს, გიორგი გურასპაშვილს და მთლიანად მუნიციპალიტეტის ხელმძღვანელობას ჩვენი შრომის დაფასებისთვის და ყველა ხაშურელს მივულოცოთ აღდგომის ბრწყინვალე დღესასწაული, - აღნიშნეს ჩვენთან საუბარში “ხაშურსერვისის” თანამშრომლებმა ეთერ ნოზაძემ, ლალი ბიქოშვილმა და იამზე მაჭარაშვილმა.

მართლაც, მისასალმებელია, როდესაც ადამიანთა შრომა ფასდება.

ასეთი ყურადღება კი ყოველთვის დიდი სტიმულია ნებისმიერისათვის.



შეხვედრა “მკითხველთა კლუბში”

ბავშვთა და მოზარდთა შემოქმედებითი განვითარების ცენტრში, “მკითხველთა კლუბის” ხელმძღვანელმა, ნინო დოფიძემ კლუბის წევრებთან ერთად გამართა შეხვედრა - “საბავშვო წიგნის დღე”. კლუბის სტუმარი გახლდათ საქართველოს საპატრიარქოს, დიმიტრი ყიფიანის სახელობის სკოლა - პანსიონის რელიგიის პედაგოგი ლევან ლაცაბიძე, რომელმაც წარადგინა წიგნთაწიგნი “ბიბლია” და საინტერესოდ ესაუბრა ბავშვებს წიგნის შესახებ. კლუბის ტრადიციული, დღევანდელი ლიტერატურული გამოწვევის წარმდგენი გახლდათ, კლუბის წევრი - მარიამ მჭედლიშვილი, რომელმაც წარადგინა საყვარელი წიგნი - „ათასერთი ღამე“.

კლუბის შეხვედრას ესწრებოდნენ: ცენტრის მენეჯერი ალექსანდრე ჯოჯიშვილი, ცენტრის თანამშრომლები და ბიბლიოთეკის დირექტორის მოვალეობის შემსრულებელი ნინო კიკნაძე

- სენსაცია, რომელმაც სრულიად საქართველო ააფორიაქა -

მტრინაჟი ჰამაკი ხაშურის თავზე

წინა კვირას სოციალური ქსელები პირდაპირ ააფეთქა ვიდეოკადრებმა, სადაც ჰამაკში ნებივრად ჩაწოლილი უცნობი პიროვნება პირდაპირ დაფრინავდა ხაშურის თავზე. ყველას მოეხსენება, სოციალური ქსელით რა უსწრაფესად ვრცელდება ინფორმაცია და ფაქტიდან სულ რაღაც ნახევარ საათში არა მარტივად ხაშური, არამედ სრულიად საქართველო ამ მოვლენაზე საუბრობდა. ასეულობით თვითმხილველი „უტყუარი მტკიცებულებებით“ არწმუნებდა ყველას, რომ ჰამაკში ნამდვილად ადამიანი იმყოფებოდა, თუმცა მათი არგუმენტები უმრავლესობისათვის მიუღებელი იყო. მოკლედ, მთელი დღის განმავლობაში სხვა ინფორმაციებმა აბსოლიტურად დაკარგა აქტუალობა და მთავარ „ბომბად“ სწორედ „ჰამაკიანი კაცი“ იქცა. სულ ჩქარა მოინახა დრონების (მცირე საფრენი აპარატი) სპეციალისტი და მისი განმარტებებიც გამოიხატა. გიორგი დანელიას განმარტებით, დრონზე გამობმულ ჰამაკში ადამიანის ყოფნა მხოლოდ იმ შემთხვევაშია შესაძლებელი, თუკი ამგვარ დრონს ვინმე საკუთარი ხელით ააწყო, ან არსებული მოდელის დრონების მოდიფიცირებას მოახდენს და მასზე დამატებითი სიმძლავრე იქნება გამომუშავებული. სხვა მხრივ, შეუძლებელია ისეთი ქარხნული დრონის შექმნა, რომელიც ადამიანის წონას დაძლეოს, რადგან მისი ფუნქცია, ძირითადად, ვიდეოკამერის გადაადგილებაა.

ამ ფაქტიდან მეორე დღეს სოციალური ქსელის მომხმარებლები კიდევ უფრო „აფორიაქდნენ“, რადგან გავრცელდა კიდევ ერთი ვიდეო, რომელშიც ჰამაკში მწოლიარე ადამიანის ხელის მოძრაობაც ჩანდა. სავარაუდოდ კი, მას ბოთლი ეჭირა ხელში.

ასე იყო თუ ისე, ორივე დღეში ყველაფერი გაირკვა და სოციალურმა ქსელებმაც „ამოისუნთქა“. საქმე სარეკლამო კლიპს ეხებოდა, რომლითაც ლუდის პოპულარიზაცია უნდა მოხდეს და ჰამაკშიც ადამიანის ფიტული იყო „გაშხლართული“.

მოკლედ, სამდღიანი მღვლეარება დასრულდა და თანაც როგორც ზღაპარში: კაცმა ლუდი მიირთვა, გემოზე იფრინა, ჩამოვიდა ისევ მიწაზე და ცხოვრობდა ბედნიერად...

გ. გოგოლაძე



„ახალგაზრდული ფორუმი“ აქტივობებს აგროძელებს

20 აპრილს, ქალაქის ცენტრში, ჩატარდა მარათონი, რომელიც, ჯერ კიდევ, მიმდინარე წლის, თებერვლის თვეში დაიგეგმა. №1 საჯარო სკოლაში გაიმართა „ახალგაზრდული ფორუმი“, რომელშიც ჩართულნი იყვნენ ჩვენი მუნიციპალიტეტის სხვადასხვა სკოლის მოსწავლეები.




სურამის №2 საჯარო სკოლის ინიციატივით, რამდენიმე სკოლასთან ერთად შეიქმნა ერთობლივი პროექტი, რომლის მიზანი გახლდათ ჯანსაღი ცხოვრების პოპულარიზაცია და ხელშეწყობა თემში, რომლის განსახორციელებლადაც მოსწავლეებმა დაგეგმეს შემდეგი აქტივობები: საინფორმაციო ინტერნეტგვერდის შექმნა, საინფორმაციო ბროშურების დამზადება, გამოკითხვა თემში, ფილმების შექმნა წარმატებულ ისტორიებზე და ინტერნეტ კონკურსის ჩატარება, ექსკურსია ოლიმპიურ მუზეუმში და აღნიშნული მარათონი.

დალი ბროლიძე, სურამის №2 საჯარო სკოლის დირექტორი: დღევანდელი აქტივობა სურამის №2 სკოლამ დაგეგმა ხცისის, ბებნისის საჯარო სკოლებსა და დიმიტრი ყიფიანის სკოლა-პანსიონთან ერთად. ბავშვებმა შექმნეს პროექტი „ჯანსაღი თაობის მარათონი“, განხორციელდა მთელი რიგი აქტივობები: გაიმართა საინფორმაციო შეხვე-

დრები, ჩატარდა კვლევები იმის შესახებ თუ რამდენადაა მოსახლეობა ინფორმირებული, ჯანსაღი ცხოვრების წესის შესახებ. კვლევის შედეგებიდან გამომდინარე კი, ბავშვებმა დაამზადეს ბუკლეტები და დაარიგეს მოსახლეობაში. დღევანდელი აქტივობაც, ანუ მარათონი, სწორედ, ამ პროექტის ფარგლებში გაიმართა, რომელშიც მონაწილეობა პროექტზე მომუშავე სკოლის მოსწავლეების გარდა, სხვა სკოლის მოსწავლეებმაც მიიღეს.

ზვიად გოგუაძე ხაშურის საგანმანათლებლო რესურსცენტრის უფროსის მოვალეობის შემსრულებელი: დღევანდელი მარათონი ემსახურება ადგილობრივი შესაძლებლობების გაძლიერებას, ბავშვთა უფლებების დაცვის მიზნით, რომელშიც ჩართულია ჩვენი მუნიციპალიტეტის რამოდენიმე სკოლა და რომლის ორგანიზებასაც მხარი ხაშურის საგანმანათლებლო რესურსცენტრმა და ადგილობრივმა თვითმმართველობებმა დაუჭირეს. მსგავსი პროექტები, რომლებიც ჯანსაღი ცხოვრების წესის დაცვას ემსახურება, ვიმედოვნებთ, სამომავლოდაც გავრცელდება.

მარათონში მონაწილეობდა სურამის მე-2 საჯარო, ხაშურის №1 და №6 საჯარო, ბებნისის და ხცისის სკოლები, დიმიტრი ყიფიანის სკოლა-პანსიონი. გამარჯვებულ მოსწავლეებს ფასიანი საჩუქრები და სიგელები გადაეცათ.



მარიამ ნოზაძე - სამოქალაქო განათლების ოლიმპიადის წარჩინებული



სამოქალაქო განათლების ოლიმპიადის მესამე წელია ტარდება, რომლის ჩატარებასაც გამოცდებისა და შეფასების ეროვნული ცენტრი უზრუნველყოფს. ოლიმპიადის მიზნად ისახავს მოსწავლეებში სამოქალაქო ღირებულებების დამკვიდრებას. პროექტით განსაზღვრულია ნიჭიერი და სოციალურად აქტიური ახალგაზრდების გამოვლენა. პროექტში, ყოველ წელს, საქართველოს სხ-

ვადასხვა სკოლის მოსწავლეებთან ერთად, ჩვენი მუნიციპალიტეტის აქტიური მოსწავლეებიც მონაწილეობენ. წელს, ალის საჯარო სკოლის მე-11 კლასის მოსწავლე მარიამ ნოზაძე ერთერთი იყო რაიონის იმ ორი მოსწავლიდან, რომელიც მიღწეული წარმატებისათვის მიწვეული იყო გამოცდების ეროვნულ ცენტრში. მარიამი ფსიანი და სამახსოვრო საჩუქრებით დაჯილდოვდა.



- ანონსი -

26 აპრილს, ოთხშაბათს, ქვიშხეთში აღინიშნება წმინდა დიმიტრი - სამშობლოსთვის წამებულის (ყიფიანი) ხსენების დღე.

პროგრამა

12.00 სთ. - მოწვეული სტუმრების მიღება მხარეთმცოდნეობის მუზეუმში;

13.00 სთ. - დიმიტრი ყიფიანის სულის მოსახსენებელი პარაკლისი ქვიშხეთის ადღომის სახელობის ეკლესიაში;

14.00 სთ. - შეხვედრა დიმიტრი ყიფიანის სახლ-მუზეუმის ეზოში;

15.00 სთ. - სახლ-მუზეუმის დათვალიერება;

15.30 სთ. - ე.წ. „ცოცხალი ბიბლიოთეკა“ - ეზოში.

ხაშურის მუნიციპალიტეტის სამუზეუმო გაერთიანების დირექცია
დიმიტრი ყიფიანის სახლ-მუზეუმის დირექცია

- მინიფეხბურთი -

რეგიონში ჩირველები ვართ, წინ ზონალური ტურნირია

რეგიონალური ფინალური შეხვედრა, ვაჟებს შორის, მინი ფეხბურთში, ხაშურის მუნიციპალიტეტის გუნდის გამარჯვებით დასრულდა. გორის მუნიციპალიტეტის გუნდთან დაპირისპირებისას, ხაშურის მუნიციპალიტეტის



№1 საჯარო სკოლის გუნდმა, თერთმეტმეტრიან დარტემების სერიაში უპირატესობა მოიპოვა.

გამარჯვებულ გუნდის წევრებს სიგელები და დიპლომები ხაშურის მუნიციპალიტეტის გამგეობის განათლების კულტურის და სპორტის სამსახურის უფროსმა კონსტანტინე ფრუიძემ და ბავშვთა და მოსწავლე ახალგაზრდობის სპორტის ეროვნული ფედერაციის მენეჯერმა გონა გეგენავამ გადასცეს. გამარჯვების თასით კი გუნდი ადგილობრივმა საგანმანათლებლო რესურსცენტრის უფროსმა ზვიად გოგუაძემ დააჯილდოვა.

ხაშურში ტურნირის მხარდამჭერები იყვნენ მუნიციპალიტეტის გამგეობა და ადგილობრივი რესურსცენტრი

ოლიმპიადა, ბავშვთა და მოსწავლე ახალგაზრდობის სპორტის ეროვნული ფედერაციის ორგანიზებით, მთელი ქვეყნის მასშტაბით იმართება. პრინციპი კი ასეთია: გამარჯვებული გუნდი მონაწილეობას მიიღებს ზონალურ ტურნირში, რომელიც თბილისში გაიმართება, ხოლო ფინალში გამარჯვებული გუნდები ერთმანეთს ქალაქ ქუთაისში დაუპირისპირდებიან.



დღის ფოტო. პატარა მორაგბეები.



„მხიარული სტარტების“ რეგიონის ჩემპიონები სურამელი მოსწავლეები გახდნენ

ამ დღეებში, ქალაქ გორის სპორტსკოლის დარბაზში, გაიმართა „მხიარული სტარტების“ შიდა ქართლის რეგიონული ჩემპიონატის ფინალური თამაში, სადაც გამარჯვება 35 ქულით მოიპოვა სურამის 2 საჯარო სკოლამ, მეორე ადგილზე კი 30 ქულით გორის №4 საჯარო სკოლა გავიდა.

მარად ენთოს შენთვის წმინდა სანთელი!

(ნანა ღამბაშიძის ხსოვნა)

„შენს ეზოში ნუში ისევ აკვირტდა, ვაშლის ყვავილს სურნელი აქვს საამო“.

ჰო, ღურჯი იგრიკა გამორჩეული და ამადლებული გრძობებით საგსეა. შენც ხომ აპრილის ღამაზე თვეს მოეგვინე საწუთროს. შენ, რომელიც თავად აფრქვევდი დიდ სიყვარულსა და განუხომელ სიკეთეს, ჩვენო საოცრად გასაოცარო, ნანა!

ვფიქრობთ შენზე და ვხვდებით, თუ როგორ უნდა იცხოვროს ადამიანი იმგვარად, რომ დაიწყების მდინარემ არ წაღუკოს მის მიერ განვლილი გზა-შარა, როგორ უნდა ააგოს ხიდი სიყვარულისა, რომელიც სიძულვილის გაუტანლობის ზღვარს შლის...



ჩვენო ნანა, შენ, გარეგნულად მშვენიერს, ნახსა და კდვამოსილს, სულიც სუფთა გეგადა, ვით უბიწო თოვლის ფიფქი, უფაქიხესი, წმინდა და მტვერწაუყვრელი.

შენ, რომელიც მრავალჯერ შეჭიდებიხარ სიძულვეებს, მძიმე აღმართებიც არ აცდენია, მაგრამ სიკეთით საესე გულში რწმენის და იმედის სანთელანთებულს სიავე დაგიმარცხებია, სულიერი ტკივილები მოგიშუშებია, თუმცა სიდიადეც ხომ ტკივილიდან იღებს სათავეს მიზნამდე ნარ-ეკლიანი გზის კაფგასთან ჭიდილი გვიხდება, ჩვენო ნანა. შენ მშველელად არავის უხმობდი, წუწუნით არავის აწუხებდი, ჩვენ მუქ ფერებს გვარიდებდი და ნათელი ფერით გემოსავდი. ჰო, შენი მრავალმხრივი ნაღვაწი, უდიდესი სიყვარულითა და რუდუნებით ნალოლიავეები, ხშირად მართლაც გპირობის ნაპერწკლად ანთებულა, ჩირადნად აბრდღვიალებულა და მადლიერების გრძობებით გადმოდგრილა იმ სათნოებით საესე გზაზე, რომელიც მოყვასთა გულები-საკენ მიემართება, ხოლო შემდგომში მარადისობაში დაივანებს.

შენს მიერ განვლილი გზის სისპეტაკე სიმშვიდით გვავესებს, მარად გვმოკდვრავს და ვისმენთ შენი სულის დაღადის „მარად გწამდეთ ღმერთი სიყვარულისა“. ჩვენც შეუცვლელი გრძობით გვიყვარხარ ნანა, ჩვენო დილო ტკივილო. არდავიწყების ქამი დამდგარა, ნანა. შენ ჩვენთან ხარ. სულეთში გილოცავთ დაბადების დღეს!

შენი მეგობრები

ნანი გაჩეჩილაძე, ნათელა ჭინჭარაძე, კლარა გელაშვილი

მეგობრები გივი ხვედელიძე, ჯემალ გელაშვილი, რობერტ სუხიაშვილი, თამაზ ქიმერიძე, ელიშუქ ნოზაძე, იზო პაქსაშვილი, ნათელა ალბრეხტი ოჯახებით იუწყებიან, რომ გარდაიცვალა

ლუიზა ცუცქირიძე

და სამძიმარს უცხადებენ მის ოჯახსა და სანათესაოს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ბ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.